



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დავით ტბელი

დავით ტბელი, X ს. II ნახ. ქართველი მთარგმნელი და სასულიერო მოღვაწე, ტბეთის ეპისკოპოსი. ბერძნულიდან თარგმნა კიმენური [„ცხორებად და მოქალაქობად ნეტარისა მართადსი, წმიდისა სუმონის დედისად“ (ხელნაწერი Aტპ. 55, A-97); „ცხორებად გრიგოლ აკრაკანტელისად“ (ხელნაწერი შ-384) და სხვ.] და მეტაფრასული [„წამებად წმიდისა დიდისა მოწამისა არტემისი“ (ხელნაწერი ქუთ. 4); „წამებად წმიდათა და ყოვლადქებულითა ათთა ქრისტეს მოწამეთა“ (ხელნაწერი A-90) და სხვ.] ჰაგიოგრაფიული ძეგლები.

ეფრემ მცირის ცნობით, მას უთარგმნია სიმეონ ლოგოთეტის მეტაფრასები. მასვე ეკუთვნის გრიგოლ ღვთისმეტყველის რამდენიმე თხზულების თარგმანი. ძვ. წყაროებში დ. ტ. იხსენიება ეპისკოპოს სტეფანე სანანოიძესთან ერთად.

ლიტ.: კ ე კ ე ლ ი ძ ე კ., ქართული ლიტერატურის ისტორია, ტ. 1, თბ., 1960; მ ა ჭ ა ვ ა რ ი ა ნ ი მ., დავით ტბელის მთარგმნელობითი მეთოდის თავისებურება, კრ.: მრავალთავი, XVII, თბ., 1992; მ ი ს ი ვ ე, გრიგოლ ნაზიანზელის რიტორიკული ხელოვნების თავისებურებანი დავით ტბელის თარგმანებში, წგ.: ისტორიულ-ფილოლოგიური კრებული, თბ., 1997.

შ. ონიანი
